

**P360/2**  
**LUGANDA**  
**Paper 2**  
**27<sup>th</sup> July 2022**  
**2 Hours 30 Minutes**



**KAMPALA WAKISO GIANT SCHOOLS' ASSOCIATION (KWGSA)**  
National Joint Mock Examination 2022

**Uganda Advanced Certificate of Education**

**LUGANDA**

*Okukyusa, Okuwandiika Embooji, Okusoma Bwino N'okufunza*

*Olupapula olw'okubiri*

**2 Hours 30 Minutes**

**EBIGOBERERWA:**

*Olupapula luno lugabanyiziddwamu ebitundu bina; A, B, C ne D*

*Ebitundu A,C neD bya buwaze*

*Mu Kitundu B, oweereddwa eby'okulondako byoyagala okuddamu*

*Fuba oddemu nga bwolagiddwa mu buli kitundu*

## EKITUNDU A

*Ddamu ebibuuzo byombi mu kitundu kino*

1. (a) Kyusa ekitundu kno okizze mu luganda (Obubonero 15)

If the new agricultural programme announced by the Senegalese President Abdoulaye Wade succeeds, it will be one of the greatest agricultural and economic revolutions in post-colonial Africa. President Wade, who now wants his country to become a self sufficient and major food producer, has named the initiative the “Great Offensive for Food and Abundance” or “GOANA”.

The objective is to re-launch a decaying agricultural sector to ensure food security for all, mostly through a boost in local production while at the same time finding a solution to soaring food prices in world markets, which have caused hunger riots in this West African nation and other parts of the world.

Criticizing the UN Food and Agricultural Organization and some NGOs, which according to the Senegalese ruler, only use Africa’s plight and food insecurity situation to their own benefit, President Wade has called on his fellow country people to rely on their efforts and potential.

- (b) Kyusa ekitundu kno okizze mu lungereza (Obubonero 15)

Nalule mukazi mulungi kaalaala era ne Namunjoona emukaaba! Okumanya mulungi omuyimbi omu yamukuba ne mu luyimba ng’amuwaana nti, “Nalule nze gwe noonya, alina akayindo kalaalo, alina oluviiri lwa ggoowa, maama Nalule!” Nalule nno gwe njogerako si y’oli Nalule Meere ow’emyaka 75 eyakyaka ennyo mu 2012 olw’okunoonya omuzungu anaamumalako ennaku. A aa aa, ono Nalule gwe njogerako ye muka Mukasa ow’e Katikannyonyi eri e Mityana! Mukasa ng’amaze okuswalira ku buko gye yali atutte obuntuntu bamale bamufubutule n’emigobante, omugole bamale bamuwe kalabalabawe, yaddayo n’apakasa bw’atyo ne yeewangulira Nalule ono gwe njogerako. Nalule yali muzinyi w’amazina maganda ku mbaga era eno Mukasa gye yamulabira n’amusiima era bw’atyo n’amukuba embaga n’ebyenda ne bimwetokota.

Mukasa we yawasiza Nalule yali akyasula mu maka ga bakadde be ku muzigo ogw’ekiyungu. Mukasa ne Nalule baakolera omwaka gumu ne bagula ekibanja ekyabwe era ku Katikannyonyi okwo. Baazimba enju ey’ettegula eyali etunula ng’omuntu era ng’erolobaza n’abayise! Beeyongera okugaggawala era n’okubeera obulungi. Eby’embi mu bbang alino lyonna Nalule yali aledmeddwa okuzaalayo omwana yadde omu ati! Kino kyareetera Mukasa okwefuula era n’atandika okugalabanja mukazi we Nalule. Eky’omukisa Nalule yali yakwata bulungi ebyo byonna ssengaawe Nakakaawa bye yali yamubuulirira ng’agenda okufumbirwa omwa Mukasa. Ssengaawe yali yamugamba nti, “Mwana wange omusajja talabwa mu kamwa era taddibwamu. Omusajja tebamubuuzza

gy'aludde era tebamusibira bweru. Omusajja ne bwaganzanga omukazi omulala ogumanga era tomunyeganga."

### **EKITUNDU B**

#### ***Ddamu 2(a) oba 2(b)***

2. (a) Ku mitwe egikuweereddwa, londako gumu oguwandiikeko emboozi ya bigambo ebitasukka wansi wa bigambo 400 ***(Buli mutwe gwa bubonero 30)***
- (i) "Okulima kwa mugaso nnyo eri Omuganda." Ttaanya.
  - (ii) Obusimu bu buli wendi nkufuna y'ensibuko y'obutabanguko mu maka. Kubaganya ebirowoozo.
  - (iii) ".....nawulira nga olugendo luntamye ne nsalawo nzireyo ewaka." Wandika emboozi ogigiiseemu ebigambo ebyo.
  - (iv) Obwato bufa magoba.

#### **Oba**

- (b) Ku mitwe egikuweereddwa, londako **ebiri** (2) buli gumu oguwandiikeko emboozi nga bwolagiddwa. ***(Buli mutwe gwa bubonero 15)***
- (i) Wandika ekirango ekibika ekinaasomebwa ku mukutu gwa radio nga obika mukyalawo eyafiiridde mu lutalo lw'abakyala. ***(Weeyambise ebigambo 250)***
  - (ii) Wandika alipoota eraga ebyavudde mu kunoonyereza ku bizibu ebiva ku kubeera n'amakolero amangi mu kibuga. ***(Weeyambise ebigambonga 200)***
  - (iii) Kitwale nti oli muyizi ow'ekisulo era gwe akulira abayizi mu ssomero lyammwe, era nga maama wo mukulu w'essomero eddala ggwe lyotosomerako. Muwandiikire ebbaluwa ng'omutegeeza nga embeera y'essomero lyammwe bweri embi ekiyinda okuviirako abaana okwekalakaasa. ***(Weeyambise ebigambo nga 250)***
  - (iv) Yogerako eri abawagizi b'ekibiina ky'ebyobufuzi ng'obalaga obusobozi bwo ng'omuntu era ng'oyagala bakusembe weesimbewo ng'omubaka wa paliyamenti ku kaadi y'ekibiina ekyo. ***(Weeyambise ebigambo nga 250)***

### **EKITUNDU C**

3. **Soma ekitundu kino n'oluvanyuma oddemu ebibuuzo ku nkomerero yaakyo.**

Oluvannyuma lw'amaka ga Ssaabalabirizi okuzindibwa n'asongwamu n'emmundu, Abalabirizi baawandiikira pulezidenti Idi Amin ebbaluwa ku ebyo ebyaliwo era nga bamusaba okumusisinkana. Wabula eno ye **yavaako akabasa** akavaako okuttibwa kwa Ssaabalabirizi. Ebbaluwa eno ekyusiddwa n'efunzibwa Edward Sserinnya, agenda bweti:

Ekkansa ya Uganda, Rwanda,  
Burundi ne Boga Zaire, P.O Box 14123,  
Kampla, Uganda.  
10th February, 1977

Eri Omukulembeze w'eggwanga, Al-Haji, Field Marshal, Dr. Idi Amin Dada, V.C, D.S.O, Pulezidenti wa Uganda Obulamu Bwonna,  
Ofiisi y'omukulembeze, Kampala – Uganda.

Ow'ekitiibwa Pulezidenti, okusenziira ku lukiiko lw'abalabirizi ba kkanisa ya Uganda, Rwanda, Burundi ne Boga-Zaire, lwe twatuddemu nga February, 8, 1977 n'obuwombeefu tusaba okukutuusaako okunyolwa kwaffe ng'ekkanisa n'Abakristayo eri gwe pulezidenti era tukusaba obeeko ky'okola. Mu kiwandiiko kyaffe kino, tetugenderera kuwakanya ddembe lya gavumenti kwaza na kukwata oyo yenna aba azzizza omusango, era tukkiriza nti Gavumenti yateekawo enkola n'emitendera egiwa abatuuze baayo okumanya ekyo kye bagisuubiramu. Enkola n'emitendera gino giwa poliisi, ebitongole ebikessi n'eby'okwerinda engeri gye zirina okukolamu emirimu gyabyo, singa emitendera gino bagigoberera nga bakola emirimu gyabwe kiwa omuntu waabulijjo essuubi nti **ebyokwerinda biri gguluggulu** ate ne kiteekawo omukwano n'obwesigwa wakati wa b'ofiisa n'omuntu waabulijjo. Wabula ate bwe bava ku mulamwa gwe balina okutambulizaamu emirimu gyabwe, kino kisobera abantu n'okulowooza nti obulamu bwabwe **buli mu matigga**.

Tukyalina okunyolwa okw'amaanyi ku byaliwo ku Lwomukaaga lwa February 05, 1977, ab'ebyokwerinda bwe baawaguza ekikomera ne bayingira mu luggya lw'amaka ga Ssaabalabirizi e Namirembe. Ow'ekitiibwa Pulezidenti ekyagwaawo tekibangawo mu byafaayo bya kkanisa ya Uganda wadde Uganda ng'ensi. Abaserikale bano okumanya bazibu, baddira omusajja gwe baali bakutte nga bamaze okumutulugunya ne **bamukozesa ng'akanyeebwa** okusikiriza Ssaabalabirizi okuggulawo kuba yalaajanira ku luggi ekyamuleetera ekisa okuggulawo okuyamba omuntu ali mu bulumu. Okukozesa omusajja amaze okutulugunyizibwa okusobola okufuna amawulire kuba kubonyabonya okuteetaagisa eri abantu abatalina musango.

Ssaabalabirizi olwali okubandulawo oluggi, abasajja ababagalidde emmundu abaali beekwese ne bakukunukayo ng'eno bwe bakokiinga emmundu nga bwe bamusaba aleete emmundu z'alina. Wadde nga Ssaabalabirizi yagezaako okubuuza 'mmundu ki?' naye nga tewali amuwuliriza. Omusajja omu yamutunuzaamu omumwa gw'emmundu mu lubuto n'amusindika n'agwa munda mu nnyumba, nga bwe bamupeeka okuleeta emmundu z'alina. N'olw'ensonga eyo, tutuusa okutya n'okuwakanya engeri omukulumbenze ow'oku ntikko mu kkanisa ya Uganda, Rwanda, Burundi ne Boga-Zaire gye yayisibwamu era tujja kulaga kino kye kitegeeza eri Abalabirizi abalala n'Abakulisitaayo bonna okutwaliza awamu.

Ow'ekitiibwa Pulezidenti, obadde oja okyogera lunye ku mikolo mingi nti abakulembeze b'eddiini ba njawulo mu nsi muno, obakwata n'ekitiibwa ekya waggulu, nga kino kibadde kitusanyusa, naye ate kati olinga eyeekuba endobo ku by'ozze oyogera n'enneeyisa y'abaserikale bo, kino nga kkanisa kitusobedde. Tetukirinaako mutawaana okwaza amaka ga Ssaabalabirizi singa wabaawo obwetaavu, wabula bandizze misana ate wandiweerezza b'ofiisa ab'obuvunaanyizibwa abagya mu kitiibwa kye, naye okujja ekiro ne batandika okwaza ennyumba ye ekiro ate ku mudumu gw'emmundu kiwa ekifaananyi ekibi ne kiteeka eby'okwerinda bya Ssaabalabirizi n'Abalabirizi abalala mu bwerinde.

Embeera eno etadde ebyokwerinda kw'omuntu waabulijjo mu kaseera akazibu, kuba kino ekituuse ku Ssaabalabirizi n'Omulabirizi w'e Bukedi ntikko y'ebyo ebizze bituuka ku Bakristaayo kubanga tuziise bangi abakubiddwa amasasi, abamu emirambo gyabula ate abalala babuziddwaawo n'emmotoka zaabwe naye nga byonna birina akakwate ne basajja bo abakulira eby'okwerinda. Mu kuwumbawumba, ow'ekitiibwa Pulezidenti, tuli basanyufu olw'okutuwa omukisa okutuusa ensonga zaffe gy'oli.

“Ku lwa Katonda n'ensi yaffe”

### **Ebibuuzo**

- (a) Ppulezidenti abalabirizi baamuwandiikira ku nsonga ki enkulu? (Obubonero 03)
- (b) Ebbaluwa eyawandiikibwa yaleetera etya ekkansa ya Yuganda obuzibu? (Obubonero 03)
- (c) Ab'ebyokwerinda baava batya ku mulamwa okusinziira ku balabirizi?(Obubonero 03)
- (d) Ppulezidenti Idi Amini yeekuba atya endobo? (Obubonero 03)
- (e) Ebigambo bino bitegeeza ki? (Obubonero 06)
  - i. Yavaako akabasa
  - ii. Ebyokwerinda biri gguluggulu
  - iii. Baamukozesa ng'akanyeebwa
  - iv. Birina akakwate ne basajja bo
  - v. Okyogera lunye
  - vi. Mu kuwumba wumba
- (vi) Emboozi eno giwe omutwe. (akabonero 01)

### **EKITUNDU D**

4. Funza ekitundu kino mu bigambo ebitasukka 100. (Obubonero 20)

Okusalawo kwo, kintu kikulu nnyo era ye nnamuziga obulamu bwo kwe butambulira era kituufu kiri nti obulamu bwo bibala bya kusalawo kwo. Bwe kiba kifaananyi oyozeddwa mu negatiivu yakusalawo kwo. Wooli ne kyonna kyoli leero gwe muwendo gw'okusalawo kwo okwa jjo. Waliwo abatassaayo mwoyo mu kusalawo kwabwe mbu “Anti Katonda era ku nkomerero ky'ayagala kye kiba. Oli n'asalawo okuvugisa ekimama nga agamba nti nebwanaavuga obulungi Katonda bwaba yasazeewo kumutta leero era aba wa kufa.

Kyokka singa amala n'agwa ku kabenje n'atafa ate ayanguwa okulaajana bamuwe obuyambi. Nze awo we mbuuliza bwaba Katonda ye yasazeewo, lwaki ate ayagala okumuwakanya ate ng'akimanyi nti kwasalawo aba asazeewo?, waliwo ate n'abalala nga bbo bambi tebabangako na mugaso, bo buli kimu bakivunaana sitaani. Kituufu Sitaani akema abantu era nga si mwetegefu kuwummulamu naye era ekyamazima kiri nti talina gw'asalirawo kyakukola. Kuno nkulaba nga kwetikkula buvunaanyizibwa bwa bikolwa byaffe.

Katonda bwe yakola omuntu, yamuwa obuyinza okwesalirawo kyanaakola, singa si bwe kyali abantu bonna bandibadde bagondera Katonda era nga bakola bulungi bwerere; ggwe

olowooza Katonda tayagala bamugondere? Bwaba y'abasalirawo , lwaki takikola bukozi bonna ne bagonda? Ye lwaki abamujeemedde ababonereza ate nga y'abasalirawo okukola ebibi? Ye bwatonyesa enkuba gwe nosalawo okwebaka lwaki takumma otulo? Ate bwosalawo okugolokoka osige takkuma maanyi kubanga assaamu ekitiibwa okusalawo kwo, n'ebikuvaamu byonna ggwe abyetikka. Bwoba osazeewo bulungi oba ojja kwetikka birungi, bwosalawo obubi era oba ojja kwetikka bibi! Tosobola kusalawo bubi ate n'ofuna bibala birungi.

Kikulu nnyo okusalawo nga oli mu mbeera ey'okutegeera obulungi era kimu ku bintu byolina okwekuuma nga osalawo, kwe kusalirawo mu busungu. Buli lwosalirawo mu busungu omaliriza wejjusa kubanga byonna byoba osazeewo biba tebivudde mu kwefumintiriza okutebenkedde. Obusungu bulinga mwenge oba njala era kyova olaba osanga omuntu n'omusaba akunyonnyole bye yayogedde ng'ayomba n'akuddamu nti "Sibijjukira". Bangi mu busungu basalawo okuva mu bifo ate enkeera nebeesanga nga beeyagaliza babazze.

Eky'okubiri, weewale okusalirawo mu kutya. Abantu bangi beesanze nga okusalawo kwonna kwe baakolera mu kutya kwali kufu. Kye mmanyi ku kutya, tekuganya muntu kulaba bintu mu ngeri ntuufu. Omuntu yenna asinziira mu kwo, emirundi mingi amaliriza akugamba nti "nalaba bubi". Bwoba osalawo, kakasa nti tovugibwa kutya.

Awalala we tugwira, kwe kusalirawo mu kucamuukirira. Wano kyangu nnyo okulabira ebintu mu langi z'ebitaliimu. Abantu abamu kino bakimanyi era bakyeyambisa okuggya ebintu ku bantu era n'okubakozesa bye baagala nga bacamuukiriza. Omuntu tasobola kulowooza bulungi anti mu ssaawa eyo kyawulira munda kye kibeera kiwambye okulowooza kwe. Mu kadde ako essanyu liba lya maanyi nnyo okusinga ebirowoozo. Kale nga kya bulabe nyo okusalirawo awo ebintu eby'ensonga. Kino abafumbo munjulira!

Kale bwe buba busungu, linda bukakkane weekeneenye ensonga n'oluvannyuma osalewo. Bwe kuba kutya era topapa, waalimalirizza nga okoze ky'onejjusa. Bwe kuba kutya era topapa, waalimaliriza nga okoze kyoneejjusa. Bwe kuba kukyamuukirira, sannyyuka naye lindako okweyama, jukira nti toli mu mbeera esalawo kinttu kya nsonga.

**BIKOMYE WANO**